

**Москва уонна бүтүн Русь Патриарха КИРИЛЛ
үрдүкү аҕабыыттарга, аҕабыыттарга, диаконнарга, манаахтарга,
Нуучча Православнай Танаратын Дьэитин итэбэллээхтэригэр бука барыларыгар
Паасханан эбэрдэ суруга**

**Айыы Тойон туһугар тапталлаах Сибэтиилээхтэн сибэтиилээх үрдүкү аҕабыыттар,
ытык аҕабыыттар, диаконнар, Танараны таптыыр манаахтар
уонна күндү биир итэбэллээхтэрбит бука бары!**

Бу аан дойду көстөр-көстүбэт эйгэтэ бүттүүнэ (Сиб. Паасхатааҕы канону көр) өлөр өлүүнү кыайбыт Олохпут Баһылыгы айхаллыыр аамтаах-суоллаах сибэтиэй күнүгэр мин эһигини бука барыгытын Паасха бырааһынньыгы үрдүк үөрүүлээх тылларынан ис сүрэхпиттэн эбэрдэлибин:

ХРИСТОС ТИЛИННЭ!

Христос Тиллибитин туһунан үөрүүлээх илдьит тыл, өлөр өлүүнү кыайбыт, биһигини кэнэбэски бараммат олоххо тиксэрбит Танарабытын, Быһааччыбытын уруйдатан, сылтан сыл кыайыылаахтык ньиргийэр.

Биһиги бу чулууттан чулуу бырааһынньыгы, өрөгөй киэнин өрөгөйдөөбүн бэлиэтиирбитигэр, аан дойдуну толуйан ылбыт Быһааччыбыт Кириэскэ эрэйи-муну көрөн өлөн баран Тиллибит сырдык күнүн ураты духуобунай иэйиилээхтик ахтан-санаан аһарабыт. Паасха диэн ханнык эрэ кыраһыабай үһүйээн, итэбэл үөрэбин чинчийэр учуонайдар сабаҕалааһыннара да, норуот былыр-былыргыттан тутуһан кэлбит үйэлээх үгэһэ да буолбатах. Бу – биһиги христианнар итэбэлбит туллар тутааҕа, эргийэр киинэ. Бу – Айыы Танарабыт биһиэхэ бэлэхтээбит кыайыта.

Апостоллар кэмнэриттэн билингэ диэри Сиэркэп – Танара Дьэитэ – бар дьонно киһи аймах олоҕор буолан ааспыт улууттан улуу дьиктини – Христос Тиллибитин туһунан – иһитиннэрэр. Кини бу Евангелиеҕа кэпсэнэр дьикти суол чахчылааҕын таһынан, өссө – саамай суолталааҕа – Паасха үөрүүлээх илдьитин ылыммыт ханнык баҕарар киһи олоҕун төрдүттэн уларытар сүдү күүстээбин тоһоҕолуур. Христос Тиллиитэ, Айыы Тойон аньыылаах-харалаах дойдуну толуйан ылыта киһиэхэ саамай улахан үөрүүнү тосхойор буолан, бу бырааһынньык биһиэхэ хас биирдиитигэр ураты сыһыаннаах. Биһиги олохпут төһө да уустугун, ханнык да ыарахаттары көрсүбүппүт, дьонтон, бу аньыылаах эйгэттэн хайдах да эрэйдэммиттэ иһин, ити барыта, Айыы Танара биһиэхэ биэрэр духуобунай үөрүүтүгэр уонна кэнэбэһин букатыннаахтык быһһанар эрэлбитигэр тэннээтэххэ, туохха да турбат.

Апостол Павел эппитини, *Христуһу өлөр өлүүттэн тилиннэрбит Танара эһиэхэ баар Тыһынанан эһиги өлөр аналлаах эккитин-сиингитин эмиз тилиннэрибэ* (Рим. 8, 11 көр).

Христос Тиллибит сырдык күнүгэр биһиги мөлүйүөнүнэн итэбэйээччилэр ис дууһабытыттан үөрэн туран, Айыы Танарабытыгар махтанабыт, оччоҕо бу сирдээҕи олохпут хаһааннытааҕар да дьиннээх толору суолталанар. Христос Паасхата бар дьонно тапталы, или-эйэни тосхойор, киһини духуобунай өттүнэн диринник уларытар олох улууканнаах үөрүүтэ, өлөр өлүүнү кыайыы үрдүк өрөгөйө буолар.

Тиллибит Христос киһи айылгытын санардан, биһиэхэ бары ыарахаттары тулуйар, үтүөнү онорор күүһү-уоҕу биэрэн, биһиги хас сыл аайы Паасха бырааһынньыгы көрсөн олохпут сана кэрдиис кэмигэр үктэнэбит.

Аан дойду олоҕун сана хайысханан ыппыт Паасха үөрүүлээх илдьитэ биһигини сиэр-майгы, өй-санаа өттүнэн уларыһан чынха атын духуобунай дьон буоларбытыгар

көбүлүүр. Оттон киһи духуобунай өттүнэн чөл буолуута аныгы уопсастыба олоҕор тыын суолталаах. Бу илдьит тыл бар дьонно Христос үөрэбин төрдүн-төбөтүн уонна «*ким барыта Тангараны кытта биир буолар*» (I Кор. 15, 28) бараммат үйэлээх кэнэбэски Саарыстыбатын санатар.

Паасха бырааһынньыгын сырдык күннэригэр биһиги аймах-билэ дьоммутун, доҕотторбутун кытта үөрүүбүтүн үллэстэн кинилэргэ дьайыылаах тапталбытын, амарах сыһыаммытын көрдөрүүх тустаахпыт. Биһиги үгүс үйэлэри курдаттаан кэлбит ытык үгэни тутуһаммыт Христос нэһилиэстибэтигэр кытыктаахпытын, Айыы Тойон дьин чохчы тиллибитин итэбэйэритин кэрэһилиибит.

Нуучча Православнай Тангаратын Дьыэтэ, өрүү буоларыны, быһабыллаах сыалын-соругун дьулуурдаахтык толорон, сылайары-элэйэри билбэккэ, бар дьонно Танара кырдыгын иһитиннэрэн Евангелие кэскиллээх тылын үйэлээх суолтатын бигэргэтэр, иллээх-эйэлээх буоларга ынтырар, Москватаабы Патриархат аҕалыы эппиэтинэни ылынан көрөр-истэр дойдуларын норуоттара духуобунай өттүнэн биир буолалларын туһугар, сулууспалыыр.

Бүгүн биһиги ордук дьулуһан туран Россия уонна Украина норуоттарын тустарыгар, бу биир хааннаах, биир итэбэллээх дьоммут өйдөрө-сүрэхтэрэ уоскуйан быстыбыт ситиммит салбанарын, хайабытыгар да тыын суолталаах доҕордуу сыһыаммыт хат чөлүгэр түһэрин туһугар үнэбит.

Христос сырдыга бар дьону сырдатар (Ин. 1, 9 көр) буолан, Кини үөрэбэ Айыы Танара киһи өйүнэн кыайан ситэн өйдөөбөт тапталын биллэрэн (Еф. 3, 19 көр), бар дьон омук быһыытынан сыһыаннаһытын, култууратын уонна судаарыстыбатын кыраныссатын туораан, кинилэри биир сомоҕо онорор.

Дээ онон, Тиллибит Христос биһиэхэ бука барыбытыгар күүс-уох киллэрэн, христианныы үрдүк эппиэтинэспитин өйдүүр, бэйэбитигэр да, биһигини тулалыыр дьонно да бигэ итэбэли, истин тапталы, энчирээбэт эрэли иитэр кыабы тосхойуохтун. Бу бырааһынньык үөрүүтэ биһигини бөбөргөтөн, үтүнү онорорго көбүлээн, олохпут дьалхааннаах байҕала сабыта охсор долгуннарын эр санаалаахтык туораан, бэйэни кыатанан, киэн көбүстэнэн, аныылаах баҕа санааны хотон тургутууну тулуйар уонна, айыыга холоонноох Сергей Радонежская эппитини, *бу дойду дьонно бэйэ-бэйэлэриттэн чорбойо сатыыр түктэри кэмэлдьилэрин* кыайар-хотор алгыстаах кыабы биэриэхтин.

Христос Тиллибит хоруобуттан тыкпыт килбиэннээх сырдык биһиги сүрэхпитигэр хаһан да өлбөөдүйбэккэ, болҕомтоҕо, көмөҕө наадыр чугас да, ыраах да дьоммутун бука барыларын сырдатыхтын.

Эһигини бука барыгытын Сибэтиэй Паасха улуу бырааһынньыгынан эбэрдэлээн тураммын, мэлииппэ нөнүө эһиэхэ өлгөм духуобунай бэлэхтэри, чэгиэн доруобуйаны, Христу кыайыылаахтык батыһар суолгутугар илгэлээх үтүө көмөнү баҕарабын.

Аминь.

МОСКВА УОННА БҮТҮН РУСЬ ПАТРИАРХ БАҢЫЛЫГА

*Москва,
Христос Паасхата,
2014 сыл*